

Broj:
Datum: 29.12.2023.g.

Na osnovu Zakona o javnim preduzećima (Službene novine Federacije BiH », broj 8/05, 09.02.2005.), člana 60., 62. i 63., Zakona o javnim skijalištima Kantona Sarajevo („Službene novine Kantona Sarajevo" broj 54/12), člana 49., Statuta KJP „ZOI'84" OCS d.o.o., Uprava KJP „ZOI'84" OCS raspisuje:

JAVNI POZIV

za prikupljanje ponuda za zaključivanje ugovora o poslovnoj saradnji u oblasti podučavanja skijanja i specijalizovanih zimskih sportskih aktivnosti u zimskoj turističkoj sezoni 2023/2024 u ski centru OC Bjelašnica - Igman

Pravo podnošenja prijave po ovom Pozivu imaju sva pravna i fizička lica, pod slijedećim uslovima:

Član 1.

Uslovi i prava podnošenja prijava

1) Ako obavljaju djelatnost podučavanja skijanja i specijalizovanim zimskim sportovima kao pravna lica:

- da su registrovani za obavljanje djelatnosti podučavanja skijanja i specijalizovanih zimskih aktivnosti, što dokazuju rješenjem/uvjerenjem o registraciji i *Uvjerenjem* o registraciji i upisu u Jedinostveni registar obveznika indirektnih poreza - ukoliko su PDV obveznici (dostaviti ovjerenu kopiju dokumenata od nadležnog organa);
- da angažuju lica za neposredno podučavanje - stručni kadar određen odredbama Zakona o javnim skijalištima KS (spisak stručnog kadra dostaviti u prijavnim obrascu koji je sastavni dio ovog poziva) a koje se tiču kvalifikacija koje stručni kadar mora imati kako bi provodio procese obuke

2) Ako obavljaju djelatnost podučavanja skijanja i specijalizovanih zimskih sportova kao fizička lica:

- da ispunjavaju uslove propisane Zakonom o javnim skijalištima KS, a koji se tiču kvalifikacija koje stručni kadar mora imati kako bi provodio procese obuke
- Instruktori su dužni da imaju važeću sezonsku ski kartu. Ski karte nisu prenosive.

SKIJANJE | SNOWBOARD | PUTOVANJE

KJP "ZOI'84" OCS d.o.o.

Član 2. Naknade

1. Naknada za pravna lica (ski škole), čija je djelatnost pružanje usluga obuke skijanja, iz člana 1. stava 1) na OC Bjelašnica - Igman za sezonu 2023/2024 iznosi 500,00 KM (sa uračunatim PDV-om.), i uplaćuje se putem transakcijskog računa KJP „ZOI'84" OCS, koji se vodi pod brojem 102 05 00 00 00 95 931, koji se vodi kod Union Banka dd Sarajevo.

Prilikom prve uplate od 500,00 KM ski školama će se obezbijediti potrebni broj licenci za prvi mjesec. Za naredne mjesece uplata se vrši prije početka narednog mjeseca, te broj licenci može varirati iz mjeseca u mjesec.

Uplate za naredne mjesece se obavljaju po principu:

- Za januar – 200 KM
- Za februar – 200 KM
- Za mart – 100 KM

Navedene cijene su prezentirane sa uračunatim PDV-om. Licence su prenosive i izdaju se na ime ski škole, a mogu ih koristiti samo instruktori te ski škole. Instruktor je dužan tokom obavljanja djelatnosti uvijek nositi akreditaciju, koja mora biti vidno istaknuta. U slučaju da instruktor iz bilo kojeg razloga nema istaknutu akreditaciju, ski centar zadržava pravo da isključi kompletnu grupu i blokira sve ski karte.

2. Naknada za pružanje usluga iz Člana 1.stava 2), a koja se tiče fizičkih lica i pružanja usluga obuke skijanja, u OC Bjelašnica i Igman za sezonu 2023/2024 iznosi 300,00 KM za mjesec januar i u tom slučaju licence nisu prenosive. Za ostale mjesece važi šema:

Uplate za naredne mjesece se obavljaju po principu:

- Za februar – 200 KM
- Za mart – 100 KM

Naknada se uplaćuje putem transakcijskog računa KJP „ZOI'84" OCS, koji se vodi pod brojem 102 05 00 00 00 95 931, koji se vodi kod Union Banka dd Sarajevo.

Ski škola je dužna uplatiti KJP „ZOI'84" OCS predmetne naknade po potpisivanju ugovora, a prije izdavanja akreditacije od strane KJP „ZOI'84" OCS. Takođe, Ski škola je dužna prije početka rada imati obezbijeđeno osiguranje za sve polaznike sa osiguravajućom kućom, kao i da snosi sve potencijalne posljedice koje nastanu na skijalištu u okviru obuke.

Prijave Ski škola koje imaju dospjele a neizmirene obaveze prema KJP „ZOI'84" OCS, se neće uzimati u razmatranje. Svi navedeni dokumenti moraju biti poredani taksativno kako je navedeno u pozivu. Traženi dokumenti moraju biti u originalu ili kopije ovjerene od strane nadležnog organa u protivnom neće biti uzete u razmatranje.

SKIJANJE | SNOWBOARD | PUTOVANJE

KJP "ZOI'84" OCS d.o.o.

Član 3. Pravo na povrat sredstava

1. Fizička i pravna lica iz Člana 1. stav 1) i stav 2) koja izvrše kupovinu ski karata putem uplate na transakcijski račun, ostvaruju pravo na popuste po principu:
 - a) Za kupovinu karata u iznosu od 5.000 KM-10.000 KM imaju pravo na povrat sredstava u iznosu od 10%,
 - b) Za kupovinu karata u iznosu od 10.000 KM i više, imaju pravo na povrat sredstava u iznosu od 20%
2. Navedeni povrat sredstava se ostvaruje putem pisanog zahtjeva na kraju ski sezone. Popusti koji se ostvaruju na bilo koji drugi način ne ulaze u proračun povrata sredstava.

Član 4. Status ski klubova

Ski klubovi koji u opisu svojih djelatnosti imaju planiranu obuku polaznika i rade po principu ski škola, tretirat će se kao ski škole i dužni su dostaviti prijave na Javni poziv.

Član 5. Opšte odredbe

Rad neprijavljenih ski škola i fizičkih lica rezultirat će postupanjem u skladu sa pravilima ski centra o zloupotrebi, te će potencijalni počinioci biti sankcionisani blokiranjem ski karata za sve članove grupe.

Svi nelicencirani instruktori svojim radom predstavljaju opasnost po bezbjednost svih korisnika skijališta i mogu odgovarati za ponašanje koje nije u skladu sa pravilima ski centra, u kontekstu ugrožavanja bezbjednosti drugih. Na isti način licencirani instruktori koji nisu akreditovani i čiji kvalitet nije odobren od strane OC Bjelašnica – Igman preuzimaju puni pravni rizik koji može proistaći iz navedenih okolnosti. U slučaju da ski škola izvrši zloupotrebu prenosa ski karte sa jednog polaznika na drugog, karta će biti blokirana, a ski škola gubi pravo za taj mjesec za obavljanje obučavanja polaznika bez mogućnosti ostvarivanja povrata bilo koje vrste i isti je potrebno da uplati ponovo.

Član 6. Način prijave

Ski škole i instruktori – fizička lica pismene prijave na Javni poziv sa traženim priložima, podnose u zatvorenoj i zapečaćenoj kovrti sa naznakom „Prijava na javni poziv za ski škole“. Prijave se mogu dostaviti lično ili poštom (svakim radnim danom od ponedjeljka do petka), na adresu: KJP „ZOI'84“ OCS, Alipašina bb - ulaz E (Olimpijska dvorana Zetra) na protokol. Dokumentacija podrazumjeva:

- 1) popunjen obrazac prijave potpisan i opečaćen,
- 2) statusnu dokumentaciju predviđenu Članom 1. stavom 1) i 2) javnog poziva.

SKIJANJE | SNOWBOARD | PUTOVANJE

KJP "ZOI'84" OCS d.o.o.



Javni poziv je otvoren tokom ski sezone 2023/2024, a svaka zaprimljena prijava će biti obrađena po prijemu. Spisak škola koje ispunjavaju navedene uslove za obavljanje aktivnosti podučavanja skijanja i specijalizovanih zimskih sportova na Ski centru Bjelašnica i Igman će biti objavljeni na web stranici OC Bjelašnica - Igman www.ocbjelasnica.com u sekciji NOVOSTI.

KJP "ZOI'84" OCS d.o.o.
Direktor

Jasmin Mehić

SKIJANJE | SNOWBOARD | PUTOVANJE

KJP "ZOI'84" OCS d.o.o.

A: Babin Do bb, Bjelašnica | T: +387 33 579 005 | M: +387 61 614 002 | E: info@ocbjelasnica.ba | W: www.ocbjelasnica.ba
ID: 4200347000004 | PDV: 200347000004 | Rješenje br. UF/I-431/04 | UNION BANK d.d: 102 050 0000095931

PRILOG I*		PRIJAVNI OBRAZAC ZA PRIJAVU SKI ŠKOLE	
<i>Datum prijave</i>			
OSNOVNI PODACI O PODNOSIOCU ZAHTJEVA			
PUNI NAZIV PODNOSIOCA ZAHTJEVA – PRAVNOG / FIZIČKOG LICA			
ŠIFRA DJELATNOSTI			
SJEDIŠTE/ADRESA PODNOSIOCA ZAHTJEVA			
ID BROJ			
PDV BROJ (ako niste PDV obveznik, obavezno upisati da niste)			
LICE OVLAŠTENANO ZA ZASTUPANJE, IME I PREZIME, FUNKCIJA (po aktuelnom izvodu iz sudskog registra ili rješenju nadležnog organa ili izvodu iz registra udruženja)			
KONTAKT (broj telefona, broj faksa i e-mail adresa)			
NAZIV BANKE U KOJOJ JE OTVOREN TRANSKACIJSKI RAČUN I BROJ TRANSKACIJSKOG RAČUNA			
PARTNERSTVO ZA ORGANIZACIJU SKI ŠKOLE NA OC BJELAŠNICA-IGMAN			
PUNI NAZIV SKI ŠKOLE (ukoliko se radi o projektu i škola ima drugačiji naziv od pravnog lica)			
PLANIRANA LOKACIJA OBUKE (detaljno obrazložiti lokaciju i program rada, npr. Bjelašnica, trodnevno korištenje babyliftova i dvodnevno korištenje staze 3 za potrebe ski škole)			
BROJ INSTRUKTORA			
IME I PREZIME SVIH INSTRUKTORA ANGAŽOVANIH ZA RAD			
PLANIRANI POČETAK I ZAVRŠETAK OBUKE SKI ŠKOLE			
VRSTA OBUKE (polaznici – početnici / polaznici – napredni, skijanje / snowboard)			
PARTNERI SKI ŠKOLE (sponzori, donori, suorganizatori)			
KONTINUITET I DOSADAŠNJI REZULTATI SKI ŠKOLE (godine postojanja i rada ski škole i realizirani projekti ukoliko je ski škola provodila)			
POTPIS I PEČAT PODNOSIOCA ZAHTJEVA			

*Kompletan Obrazac prijave se popunjava isključivo elektronski

SKIJANJE | SNOWBOARD | PUTOVANJE

KIP "ZOI'84" OCS d.o.o.